

恒山

喬宇

北嶽在渾源州之南紛綴典籍書著其為舜北巡狩之所為恒
 山水經著其高三千九百丈為予嶽福地記著其周圍一百三
 十里為總立之天子家太行白巖之傍距嶽五百餘里心竊慕
 之未及登覽懷想者二十餘年至正德改元奉天子命分告於
 西碁國陵鎮瀆道經渾源去北嶽僅十里許遂南行至麓其勢
 馮馮煜煜恣生於天縱盤於地其胸盪高雲其巔經赤日余載
 喜載愕斂色循坡東迤嶺北而上是多珍花靈草枝態不類桃
 芳李葩暎帶左右山半稍憇俯深窺高如緣虛厯空上七里是
 為虎風口其間多橫松強栢狀如飛龍怒虬葉皆四衍懔懔然

道藏輯要

天下名山記
山西恒山喬

六

軫集五
卷之三

怪其太茂從者云是嶽神所保護人樵尺寸必有殃故環山之
 斤斧不敢至其上路益險登頓三里始至嶽廟頽楹古像余肅
 顏再拜廟之上有飛石窟兩崖壁立豁然中虛相傳飛於曲陽
 縣今尚有石突峙故厯代怯升登者就祠於曲陽以為亦嶽靈
 所寓也然歲之春走千里之民來焚香於廟下有禱輒應赫昭
 於西方如此豈但護栢栢然哉余遂題名於懸崖筆詩於碑及
 新廟之廳上又數十步為聚仙臺臺上有石坪於是振衣絕頂
 而放覽焉東則漁陽上谷西則大同以南奔峰來趨北盡渾源
 雲中之景南目五臺隱隱在三百里外而翠屏五峰畫錦封龍
 諸山皆俛首伏脊於其下因想有虞君臣會朝之事不覺怡然

又憶在京都時嘗夢登高山眺遠今灼灼與夢無異故知遠遊
非偶然者

道藏輯要

天下名山記
山西恒山橋

七

軫集五
X十一

